



Broj: 01/1-50-1-1-46/08
Sarajevo, 24. 7. 2008. godine

Z A P I S N I K

46. sjednice Ustavnopravne komisije

Sjednica je održana 24. 7. 2008., s početkom u 15 sati.

Sjednici su prisustvovali članovi Komisije: Šefik Džaferović, Martin Raguž, Ekrem Ajanović, Adem Huskić i Halid Genjac.

Osim članova Komisije, sjednici su prisustvovali i: Jusuf Halilagić iz Ministarstva pravde BiH, Maja Ribar iz OHR-a i Halisa Skopljak iz OSCE-a.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Predsjedavajući Komisije je predložio, a Komisija jednoglasno prihvatila sljedeći

D N E V N I R E D

1. Usvajanje zapisnika 45. sjednice održane 3.7.2008. godine i 8.7.2008. godine ;
2. Prijedlog zakona o izmjenama i dopunama Zakona o Vijeću ministara BiH, predlagač: poslanik Milorad Živković (**Usklađenost s Ustavom BiH, pravnim sistemom i principi u skladu s članovima 103. i 104. Poslovnika Doma**);
3. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: poslanik Milorad Živković (**Usklađenost s Ustavom BiH, pravnim sistemom i principi u skladu s članovima 103. i 104. Poslovnika Doma**);
4. Prijedlog zakona o dopunama Zakona o službenom glasilu BiH, predlagač: poslanik Adem Huskić (**Postupak u nadležnoj komisiji u skladu s članom 110. Poslovnika Doma**);
5. Prijedlog odluke o usvajanju transportne politike Bosne i Hercegovine, predlagač: Vijeće ministara BiH (**Razmatranje Predloga odluke u skladu sa dopisom Doma broj 01-29-689/08 od 22.juna 2008. godine**);
6. **Ostala pitanja:**
 - Razmatranje Prijedloga ispravki teksta Zakona o izmjenama i dopunama Zakona o krivičnom postupku Bosne i Hercegovine (**Razmatranje prijedloga u skladu s članom 136. Poslovnika Doma**);
 - Razmatranje Inicijative poslanika Adema Huskića (**Razmatranje zahtjeva u skladu sa članom 41. stav (2) Poslovnika Doma u vezi s dopisom Kolegija Doma broj: 01, -5-1-20-60/08 od 8.jula.2008. godine**);
 - Zahtjev za autentičnim tumačenjem člana 3. stav (1) tačka a) Zakona o prekršajima („Službeni glasnik BiH“ broj: 41/07), podnosilac: Uprava za indirektno oporezivanje BiH (**Razmatranje zahtjeva u skladu sa članom 137. stav (1) Poslovnika Doma**).

Ad. 1. Usvajanje zapisnika 45. sjednice održane 3.7.2008. godine i 8.7.2008. godine ;
S obzirom da nije bilo rasprave, Komisija je jednoglasno usvojila Zapisnik sa 45. sjednice.

Ad. 2. Prijedlog zakona o izmjenama i dopunama Zakona o Vijeću ministara BiH, predlađač: poslanik Milorad Živković (Usklađenost s Ustavom BiH, pravnim sistemom i principi u skladu s članovima 103. i 104. Poslovnika Doma)

Predsjedavajući je otvorio raspravu u kojoj su učestvovali Martin Raguž, Ekrem Ajanović, Adem Huskić i Šefik Džaferović.

Komisija je, nakon rasprave, jednoglasno, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna komisija, bez glasova „za“, sa pet glasova „protiv“ i bez „suzdržanih“ glasova, nije podržala principe predloženog Zakona.

Ad.3. Prijedlog zakona o izmjenama i dopunama Zakona o ministarstvima i drugim organima uprave BiH, predlađač: poslanik Milorad Živković (Usklađenost s Ustavom BiH, pravnim sistemom i principi u skladu s članovima 103. i 104. Poslovnika Doma)

Komisija je, nakon rasprave, jednoglasno, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna komisija, bez glasova „za“, sa pet glasova „protiv“ i bez „suzdržanih“ glasova, nije podržala principe predloženog Zakona.

Ad. 4. Prijedlog zakona o dopunama Zakona o službenom glasilu BiH, predlađač: poslanik Adem Huskić (Postupak u nadležnoj komisiji u skladu s članom 110. Poslovnika Doma);

Predsjedavajući je otvorio raspravu u kojoj je učestvovao član Komisije Adem Huskić.

Na Prijedlog zakona o dopunama Zakona o službenom glasilu BiH amandman je podnio poslanik Bajazit Jašarević. Nakon rasprave Komisija je jednoglasno prihvatila amandman I koji glasi:

„Amandman I

U članu 1. Zakona o dopuni Zakona o Službenom glasilu Bosne i Hercegovine, u članu 5a., stav 1., iza riječi „Bosne i Hercegovine“ dodaju se riječi „iz člana 5. ovog Zakona“, iza riječi „objavljaju se“ dodaje se slovo „i“, riječ „internetu“ zamjenjuje se riječima „web stranici Službenog glasnika Bosne i Hercegovine“ i dodaje se novi stav 2. koji glasi:

„Na web stranici Službenog glasnika Bosne i Hercegovine će biti objavljen i sadržaj Službenog glasnika Bosne i Hercegovine iz člana 5. ovog Zakona, koji je objavljen prije stupanja na snagu ovog Zakona“.

Nakon rasprave Komisija je jednoglasno odlučila:

- Ustavnopravna komisija prihvata tekst Prijedloga zakona o dopunama Zakona o službenom glasilu BiH sa usvojenim amandmanom i predlaže Predstavničkom domu da usvoji Zakon;
- Za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH imenuje se predsjedavajući Komisije Šefik Džaferović;
- Komisija smatra da je neophodno da se o predloženim dopunama zakona, do sjednice Predstavničkog doma, izjasni Vijeće ministara BiH i J.P. N.I.O. Službeni list Bosne i Hercegovine.

Ad. 5. Prijedlog odluke o usvajanju transportne politike Bosne i Hercegovine, predlađač: Vijeće ministara BiH (Razmatranje Predloga odluke u skladu sa dopisom Doma broj 01-29-689/08 od 22.juna 2008. godine);

Komisija je nakon rasprave jednoglasno utvrdila :

- Postoji valjan ustavnopravni osnov za donošenje odluke;
- Predlog odluke je usklađen s Ustavom i pravnim sistemom.

Ad. 6. Ostala pitanja:

- **Razmatranje Prijedloga ispravki teksta Zakona o izmjenama i dopunama Zakona o krivičnom postupku Bosne i Hercegovine (Razmatranje prijedloga u skladu s članom 136. Poslovnika Doma);**

Predsjedavajući je otvorio raspravu u kojoj su učestvovali Jusuf Halilagić, Šefik Džaferović, Igor Bajić i Halisa Skopljak. Komisija je nakon rasprave jednoglasno utvrdila da, kao predlađač Zakona u skladu sa odredbama Poslovnika Doma, u saradnji sa Ministarstvom pravde BiH, podnese Prijedlog zakona o izmjenama Zakona o krivičnom postupku BiH kojim bi se otklonili sve greške i izvršile sve ispravke u postojećem tekstu Zakona do usvajanja prečišćenog teksta. Zbog hitnosti za ispravkama, Komisija je odlučila da podnese zahtjev za razmatranje Prijedloga zakona po hitnom postupku.

- **Razmatranje Inicijative poslanika Adema Huskića (Razmatranje zahtjeva u skladu sa članom 41. stav (2) Poslovnika Doma u vezi s dopisom Kolegija Doma broj: 01, -5-1-20-60/08 od 8.jula.2008. godine);**

Komisija je nakon rasprave jednoglasno utvrdila :

- Ustavnopravna komisija podržava inicijativu poslanika Adema Huskića kojom se predlaže da se na jednoj od narednih sjednica Doma raspravlja o pitanju imovine Bosne i Hercegovine u inostranstvu.
- **Zahtjev za autentičnim tumačenjem člana 3. stav (1) tačka a) Zakona o prekršajima („Službeni glasnik BiH“ broj: 41/07), podnosilac: Uprava za indirektno oporezivanje BiH (Razmatranje zahtjeva u skladu sa članom 137. stav (1) Poslovnika Doma).**

Predsjedavajući je predložio, a Komisija jednoglasno prihvatila prijedlog, da se o ovoj tački dnevnog reda rasprava nastavi na narednoj sjednici Ustavnopravne komisije.

S obzirom da nije bilo više pitanja, sjednica je završena u 16 sati.

SEKRETAR KOMISIJE

Igor Bajić

PREDSJEDAVAJUĆI KOMISIJE

Šefik Džaferović